



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XLI. Gregorii Papae I. Ad Agilvlphvm Regem Longobardorvm.
Gratias agit de pace facta.

urn:nbn:de:hbz:466:1-15221

EPISTOLA XLI.

GREGORII PAPÆ I.

AD AGILVLPHVM REGEM LONGOBARDORVM.

Gratias agit de pace facta.

Gregorius Agilulpho regi Longobardorum.

GRATIAS excellentiæ vestræ referimus, quia petitionem nostram audientes, pacem quæ vtrisque esset partibus profutura, sicut de vobis confidentiam habuimus, ordinastis. Ex qua re excellentiæ vestræ prudentiam & bonitatem valde laudauimus, quia pacem diligendo, vos Deum, qui ipse est auctor, amare monstrastis. Nam si, quod abesse gaudemus, facta non fuisset, quid aliud agi debuit, nisi ut cum peccato, & periculo partium, miserorum rusticorum sanguis, quorum labor vtrisque proficit, funderetur? Sed ut prodesse nobis eandem pacem quemadmodum a nobis facta est sentiamus, paterna caritate salutantes petimus, ut quotiens se occasio dederit, ducibus vestris per diuersa loca & maxime in his partibus constitutis, vestris præcipiatis epistolis, ut hanc pacem, sicut promissum est, ^{* al. pure} summopere custodiant, & occasiones sibi aliquas non quærant unde aut contentio quædam, aut seditio aliqua, aut ingratitude nascatur, quatenus voluntati vestræ amplius agere gratias valeamus. Latores vero præsentium, sicut reuera homines vestros, in eo quo decuit affectu suscepimus: quia iustum fuit ut viros sapientes, & qui pacem factam Deo propitio nuntiauerunt, cum caritate & suscipere & dimittere deberemus.

Paulus diaconus libro 4. cap. 3.

EPISTOLA XLII.

GREGORII PAPÆ I.

AD THEODOLINDAM LONGOBARDORVM REGINAM.

Gratias refert de pace facta.

Gregorius Theodolindæ Longobardorum reginæ.

QUIA excellentia vestra ad faciendam se pacem studio-
sius & benigne, sicut solet, impenderit, renuntiante filio nostro Probo abbate cognouimus. Neque enim aliter de Christianitate vestra fuerat confidendum, nisi quia

Paulus diaconus libro 4. cap. 3.

Nnnn iij